


十





鳳洲筆記卷之二十一

海虞文臺黃美中校

雜編二

文臣謚

太祖時文臣無謚如劉基王禕皆後  
代加者 太宗時亦少仁廟追錄舊  
功臣遂有金榮襄等數十人弘正以  
還益濫矣爰據碑誌故牒所記得什  
之五六俟後續焉



文貞

太師楊士奇

文正

太師李東陽太傅謝遷

文忠

太傅曹鼐太師張孚敬

文成

太師劉基

文靖

太子賓客王璉少保金幼孜尚書魏驥太師  
徐溥太師劉健太保賈詠

文莊

吏部侍郎葉盛太傅丘濬太子少保王鴻儒  
太子少保謝一夔太子少保邵寶太子太保  
羅欽順太子少保歐陽德

文敏

太師楊榮太子少保鄒濟少保姚夔太子太  
保李廷相太子太保張璧吏部侍郎徐縉禮



部尚書崔銑太子太保霍韜

文定

太師楊溥太子太保吳寬太子太保張邦奇  
禮部尚書王瓚

文憲

學士承旨宋濂太師彭時太師費宏

文清

禮部尚書薛瑄

文毅

侍郎李時勉諭太傅商輅少保倪岳尚書黃

孔昭

文恪

祭酒宋訥太保耿裕太傅王鏊祭酒魯鐸南  
京禮部尚書楊廉

文肅

禮部侍郎陳敬宗太常卿岳正禮部尚書謝  
鐸太子少傅何喬新太保劉忠太子太保王  
與禮部尚書羅玘



文端

太保王直太子太保周經太子太保吳一鵬

文介

禮部侍郎劉儼

文懿

禮部侍郎呂原禮部尚書楊守陳太子少保章懋禮部尚書儲瓘

文安

禮部尚書王英太子少師鄭賜太子太保周

謨禮部尚書劉定之太子太保李傑太子太

保林瀚

文恭

左侍郎劉鉉

文襄

工部尚書周忱太傅曹鼐諭太傅席書太傅桂萼太保方獻夫太保楊一清少保唐龍

文義

太保高穀



文裕

太子太保白錢温仁和禮部侍郎陸深

文簡

少傅馬京太子太保儀智太保黃淮少保毛

澄太子太保劉春太保毛紀禮部侍郎穆孔

暉

文達

李賢

文通

太子少保錢溥太子太保王一寧少保費家

文穆

少師胡廣太師劉吉太子太保傅瀚太子太

保傅珪

文和

太保劉珣少保尹直

文節

學士王禕

文淵



少詹事徐善述

文昭

太子少保江瀾

文康

尚書苗衷太師萬安太師梁儲太保顧鼎臣

太傅李時

文僖

學士張益太子少保倪謙太子少保董越太

傅靳貴太子太傅張昇

文隱

太保石琯太子太保張治

忠文

學士王禕侍郎李時勉

忠定

太師蹇義尚書朱復太傅韓文

忠靖

太師夏原吉

忠肅



太保王翺

忠宣

太保黃福太保劉大夏

忠敬

興濟侯楊善

忠毅

靖遠侯王驥光祿少卿鄧顥

忠襄

湯陰伯郭資太師儀銘

忠節

刑部尚書吳雲禮部尚書許逵知州何忠

忠烈

禮部尚書孫璫

忠愍

太子少保鄺埜翰林學士劉球

忠安

太子太保胡濙

忠簡



太子少保王佐

恭定

戶部尚書年富

恭靖

少師姚廣孝太醫院使蔣用文少保李敏

恭敏

刑部左侍郎廖莊少傅白圭太保李燧

恭毅

禮部尚書章綸太子少保王槩

恭襄

少保馬昂少保王瓊禮部左侍郎孫賢太

保張瓚

恭肅

太子太保周用

恭簡

太保尹旻太子少保戴珊太子太保李鉞工

部尚書歐陽鐸禮部右侍郎魏校

恭惠



副都御史范鏞

恭愍

大理寺丞鍾同光祿寺卿陳選

恭順

兵部尚書盧淵

恭僖

大學士張景明尚書韓邦問

貞襄

太子少保徐琦

端肅

太師馬文升

端毅

太師王恕

端敏

少保胡世寧太保秦金

襄毅

右都御史韓雍太子太保項忠太子少保程  
信少保秦紘太子太保許進



襄敏

兵部尚書丁鉉少保李秉太傅王越少保王璟太子太保潘鑑戶部左侍郎唐澤

襄惠

太子少保屠瀟太子太保秦民悅

襄簡

太子少保高友璣少保王軾

莊靖

少保陳文太子少保宋景尚書趙璜

莊毅

兵部尚書王竑

莊敏

少保林聰少保楊鼎少保崔恭少保許誥

莊襄

太子太保俞諫太子少保劉天和

莊簡

太子少保鄒文盛尚書熊繡太子太保李浩

莊懿



太子少保周瑄太子太保張瑩

毅愍

右都御史馬炳然

肅敏

太保俞子俊

肅愍

太傅于謙

敏肅

工部尚書陳壽

簡肅

太子少保張敷華刑部尚書熊繡尚書胡韶

清惠

太子少保耿九疇

靖簡

太子太保孫需

節愍

少保陳洽少傅劉儁按察使周憲

惠安



太子少保彭韶

康懿

少保陳俊少保林庭楫

康靖

太子太保鄒幹

康惠

工部尚書周季鳳太保楊志學少保李承勳

康敏

太保白昂太子太保趙鑑

康僖

太保屠勲太子少保陸瑜太子少保王承裕

刑部尚書周倫南京吏部尚書黃珣太僕卿

邵銳

康簡

太子少保楊守隨工部尚書方良永

安簡

南京禮部尚書王宗燹

懿簡



太子太保張鵬

榮襄

荏平伯吳中少師金忠沐陽伯金濂少保袁

宗臯

榮毅

少保墨麟

榮簡

太子太保盛端明

榮愿

刑部尚書朱濬

榮和

太保汪鉉

榮靖

文康

少師邵元節

武臣謚猶不詳今志十之一二

武寧

中山王徐達

武靖



岐陽王李文忠

武順

寧河王鄧愈

武烈

東平王朱能

武毅

夏國公顧成漳國公王聰宣平王朱永

武莊

越國公胡大海泗國公耿再成巢國公華高

太保梁震

武襄

安遠侯蔡遷穎國公楊洪撫寧侯朱謙寧平

王朱永初謚

武信

芮國公楊璟

武桓

梁國公趙德勝

武義



蘄國公康茂才

武肅

滎陽伯潘毅湯陰侯高顯

武勇

裕國公蔣貴

武閔

鄖國公廖永安

武愍

平陰王朱勇

武僖

黔國公沐英

忠武

開平王常遇春河間王張玉國公薛祿廣寧

侯劉江定襄侯郭登

忠烈

號國公俞通海定興王張輔國公徐忠

忠節

崇安侯譚淵



忠靖

武進侯朱榮

忠壯

安國公曹良臣金鄉侯王真涼國公吳瑾莒國公李遠清源伯冀傑

忠敬

定遠王沐晟

忠襄

樂浪公濮真靖國公陳珪

忠毅

漳國公鄭亨霍山侯王真威遠伯方政潞國公張武安陽伯曹隆萊陽伯周長

忠勇

富春侯孫世成武伯陳伍滕國公孟善

忠愍

燕山侯孫興祖蘄國公康鐸

忠僖

忠敏

文安侯張輓

榆次伯張廉



壯勇

宣城侯衛穎國公吳管者渠國公吳澄伏羗  
侯毛忠邵陽伯馬聚

壯毅

勇襄

廬江侯趙馘

裕國公張軌

襄武

東甌王湯和沐昂英山侯於顯

襄毅

海國公吳禎懷遠伯山雲

襄烈

襄靖

江國公吳良

滕國公顧特

襄簡

襄敏

許國公王志

淇國公陳亨

襄恪

景成

鎮遠侯顧溥

昌樂侯丘廣

剛毅

剛勇

國公李彬

新泰伯張彬

敏毅

孝勇



涼國公蔣琬

東海侯陳文

崇武

懷僖

合浦侯陳清

都督郤永

莊肅

莊敏

昌國公張巒

黔國公陳豫

莊簡

恩國公張赫成國公朱儀

莊襄

恭和

皖國公仇成

國公周壽

恭襄

惠襄

平江侯陳瑄

平西侯沐春

桓襄

桓毅

永國公薛顯

臨沂侯王簡

威襄

營國公郭英咸寧侯仇鉞

威毅

黔國公吳復彰武侯楊信

榮襄



郊國公孫繼宗

宣武

宣襄

陝國公郭子興

杞國公陳德

僖順

忠勇侯蔣信溧陽伯紀廣

謚及三代

開平王遇香魯祖四三謚莊簡祖重五謚安穆  
父六二謚靖懿國朝謚及三代者惟有此耳

父子得謚

儀智儀銘鄒濟鄒幹王文王宗彝周瑄周經耿  
九疇耿裕白圭白鉞王恕王承裕許進許誥林  
瀚林庭楫

賜夷王謚

永樂六年七月賜朝鮮國王李旦謚康獻撫民  
安樂曰康行善可紀曰獻八月淳泥國王麻惹  
謚恭順日本國王源道義謚悼僖中年天逝曰  
悼小心畏忌曰僖十五年九月賜蘇祿國東王  
謚恭定敬事其卜曰恭純行不爽曰定十九年



四月賜古麻刺國王謚康靖撫民安樂曰康柔  
德教衆曰靖

鳳洲筆記卷之二十二

鳳洲筆記卷之二十二

海虞文臺黃美中校

雜編四

科目

國朝尊尚儒教科目日重百餘年來非從此出  
者輒以爲異路不得登庸顯矣按洪武三年庚  
戌始開科鄉舉士就試者百二十三人中式者  
七十二主考則御史中丞劉基治書侍御史秦  
裕伯同考則翰林侍讀學士詹同弘文館學士



睢稼起居注韶鳳尚寶丞吳潛國史宋濂而序  
凡出於濂中未及會試者悉授官

洪武四年京畿試士

鄉試兵部尚書吳琳國子司業宋濂仍為序尋  
合諸省之士會試

會試凡二百人中式者百二十人知貢舉官特  
進中書省右丞相忠勤伯汪廣洋左丞相胡惟  
庸主文則禮部尚書陶凱前翰林侍講學士潘  
廷堅主考則翰林侍讀學士詹同國子司業宋

濂吏部員外郎原本前貢士鮑恂掌卷吏部侍  
郎顧貞監試御史孔希魯宋主提調兼印卷禮  
部尚書楊訓文同印則中書左司郎中孫煜袒  
同提調禮部侍郎秦文繹禮部主事姜漸受卷  
吏部主事林光弼彌封兵部主事許方騰錄蘇  
州教授貢穎之對讀翰林應奉文字唐肅豐  
主事孟兼此外有監門搜檢巡綽鎮撫供給主  
事及掌行科舉文字省椽令史供給奏差等官  
廷試總提調則前汪廣洋胡惟庸讀卷祭酒魏



觀博士孫吾與給事中李頤修撰王僕監試御史馬貫徐汝舟掌卷工部員外郎牛諒受卷工部主事周寅彌封秘書監丞陶誼對讀尚寶丞魏潛編修蔡玄提調前陶凱楊訓文及以散官攷之則尚書祭酒正三品侍郎侍讀學士正四品給事中從四品左司郎中司業正五品員外正六品主事修撰應奉正七品編修秘書丞正八品官秩不同故詳記之

是歲狀元授員外郎及第出身俱授主事同出身授縣丞會元亦授縣丞而高麗一生亦與焉曰金濤三甲第五名後歸國為相儒籍六十三人

甲子重定三場程試及三年大比之制是秋京闈中試者多國子生 上悅命有司出榜原藉旌之次年

乙丑會試黃子澄第一練子寧次之花綸又次之綸浙江解元也及廷試花綸第一子寧次之子澄又次之既啓封 上自以夢故用丁顯為



狀元子寧如故綸第三抑子澄三甲為庶吉士  
然三人俱授脩撰亡何亦擢子澄脩撰云

襄陽任

戊辰會試以蘇伯衡李叔荆為會試考官擢任  
泰亨第一命有司於襄陽建狀元坊旌之亨泰  
甚被 上寵任每召議手書襄陽任而不名後  
自禮書謫御史

連科狀元出泰學

辛未天下會試六百六十人中式三十一人廷

試賜許觀及第時年二十八張顯宗次之吳言  
信又次之 上以連科狀元出泰學召祭酒宋  
訥面褒諭焉

張信杜詩

甲戌狀元張信信定海人也為侍讀後坐以教  
韓王寫杜詩含稅刺及勅稿削御製二語得罪  
復以考試事誅

中原西北士子無登第

丁丑會試考官學士劉三吾吉府紀善白信蹈



取宋琮等五十一人中原西北士子無登第者  
入對閩縣陳郊爲首吉安尹昌隆次之會稽劉  
譎又次之下第者以三吾等南人爲言 上怒  
命儒臣再考落卷中文理長者第之於是侍讀  
張信侍講戴燹右贊善王俊華司直郎張謙司  
經校書嚴叔載正字董貫長史黃章紀善周衡  
蕭楫及郊昌隆譎人各閱十卷或言劉白囑信  
等以陋卷進呈 上益怒親賜策問韓克忠等  
六十一人及第有差考信等俱磔殺之三吾以

老成郊譎安置威虜唯赦戴燹尹昌隆郊譎取  
回復殺之

是歲得人最多

庚辰廷試王良當第一貌不及胡廣且廣策斥  
親藩 上遂擢第一改名靖是歲得人最多如  
廣及二楊胡濙俱登顯要爲名臣而良能殉節  
尤可重也

二十八宿

癸未以 太宗渡江明年甲申會試是歲開科



取楊相等四百七十二人廷試。上命採天文律曆禮樂制度爲問，欲以求博洽之士。惟曾、蔡卷獨詳。上喜，御批貫通經史，識達天人，有講習之學，有忠愛之誠，擢魁天下。昭我文明，尚資啓沃。惟良顯哉。第二第三周述、周孟簡、從昆季也。亦皆有御批褒許之辭。既第，選楊相等二十五人及蔡等三人進學翰林。曰：二十八宿、周忱、自陳、年少有志進學，特許之時，人謂之揆宿。取副榜舉人。

丙戌，賜林環等及第，取副榜舉人。廷試之擢周翰等三人進學翰林，餘除學官。

翰林主考之始

十五年，兩京始專命翰林主考。

詔天下舉人會試。

乙未，始詔天下舉人會試。北京考官梁潛折卷得第一名曰陳循，其鄉人也。避嫌，故改置第二。而擢林文秭。既又以秭字難識，定洪英第一，第五王翺者，鹽山人也。上喜得畿輔士，以布衣。



召見賜酒食既廷試復擢陳循第一賜宴行後  
軍都督府第三名陳景著年十八後乞恩改本  
府教授終

唱名莫應

戊戌賜進士李騏等及第騏初名馬 上為改  
之唱名莫有應者 上為道其故乃出

孫暴邢寬

甲辰賜邢寬等及第 上初取第一孫曰恭也  
嫌其名近暴曰孫暴不如邢寬遂擢寬第一梁

溼第二曰恭第三俱用朱書填黃榜遠近稱異  
事云

舉人稱貢士

宣德庚戌會試錄禮部尚書稱總提調兼知貢  
舉革掌行科舉文字執事官由舉人稱貢士稍  
不同

上書願得一劇職

癸丑賜進士曹鼎等及第先鼎舉貢士為學官  
上書願得一劇職自效改恭和典史力學不廢



以解糧至京與試果中第二人 廷試復第一  
人十年之內至相位矣是歲用致仕大學士黃  
淮主考淮以謝恩至

周旋儀貌何如

丙辰賜進士周旋及第或云首揆既取三卷未  
定問同事者曰有識周旋否狀何如或曰白而  
偉蓋疑謂淳安周瑄也遂首旋既傳臚貌甚侵  
爲之悵然

小錄

會試錄亦稱小錄見於壬戌禮侍王英序是年  
同考則有永新知縣陳員韜京衛武學教授紀  
振俱進士岐陽縣教諭彭舉中試十二名都察  
院吏三十三名南昱刑部吏一百二十一名鄭  
溫松陵驛丞

天字科莠字

乙丑葉侍郎盛云是科會試登科錄天字皆稱  
莠字今考部本不然以爲葉傳聞之誤然不知  
葉乙丑進士豈有誤理或部本翻刻未可知也



教諭同考

戊辰年同考二教諭一訓導辦事官舒庭謨中  
一百二十五名

王越卷飛上天

景泰辛未知貢舉官胡濙楊寧俱禮部尚書主  
考脩撰林文同考廣東叅政羅崇本教授學政  
訓導各一是歲廷試王越卷飛上天復給卷足  
成之或云墮於朝鮮次歲進還 上悅擢越御  
史

閱三科為正科

甲戌考試官商輅輅正統乙丑進士閱三科為  
正科已任兵部左侍郎兼翰林院學士左春坊  
大學士同考則侍講兼中允楊鼎贊善兼檢討  
錢溥皆已未也先一年奏准會試考官翰林春  
坊專之其京官由科第有學行者兼取以充而  
郡縣考職為同考官絕矣受卷彌封對讀則用  
州邑正官為之

金狀元銀榜眼鐵探花



一甲三人孫賢徐溥徐轄各以貌色稱有金狀  
元銀榜眼鈇探花之目

詩戲題目之誤

天順丁丑薛文清以內閣呂文懿以通叅侍講  
爲主考同考則尚寶少卿錢溥司丞李泰翰林  
典籍徐似蓋官制也是科最號嚴整然外人有  
以詩戲之者如所謂薛瑄性理難包括錢溥春  
秋沒主張問仁旣已無顏子告祭如何有太王  
皆指摘題目之誤至謂纒兵令姪獨軒昂蓋謂

取石亨從子後也

不稱囊三木

庚辰闈禹錫以國子學正爲同考是科有下第  
舉人訴學士呂原中允柯潛私狗顛倒者  
上試之不稱囊三木禮部以狗

會試大火

癸未二月當會試日大火焚死者九十餘人餘  
及主試官俱踰越墻壁以出 上憐之贈死者  
進士出身八月再試取吳鈇等二百四十七人



明年廷試初命學士陳文柯潛再命學士彭時錢溥

刻五經程文

成化丙戌五經各刻文三篇二場刻詔 廷試賜羅倫及第未一月即上扶植綱常疏貶官乙未賜謝遷及第或云王鏊以鄉會元有盛名復當第一矣閣老商公抑之置第三

得策擊節賞

戊戌賜曾彥及第或云先一日其閣老萬公得彥策擊節賞使人覘之美而長大也擢第一陞傳見彥老而多髭且短甚不稱萬惘然退取彥策讀之平平耳

取士分南北卷

丁未尹閣老直主考序稱宣德丁未大學士楊士奇議會試取士分南北卷北四南六既而以百乘除各退五為中數是年以言者又各退二以益中數云

問策秘人罕知



弘治己未會試大學士李東陽侍郎程敏政為主考敏政問策秘人罕知者其故所昵門生徐經平日窺得之為其同年解元唐寅說至是各舉答無遺因自矜且得上第給事中華景林廷玉論之與敏政俱下獄按問經自誣服購敏政家人得之獄成敏政奪職經寅俱為民

焚香求才

乙丑廷試 上焚香籲天后宮期得真才以資實用

劉瑾片紙書姓名

正德戊辰大學士王鏊尚書梁儲主會試相傳劉瑾以片紙書五十人姓名欲登第因開科額三百五十人

焦芳為題名記

廷試賜呂柟等及第時焦芳子黃中二甲第一劉宇子劉仁第四皆瑾黨也因刻黃中及三甲第一人胡纘宗策俱授翰林檢討改仁庶吉士踰月超擢黃中仁為編脩再進侍講而焦芳為



題名記盛稱所改之制為當後瑾誅黃中仁為  
民纘宗亦坐貶

李文正先以策示慎

辛未賜楊慎等及第慎傳相廷和子也相傳特  
制問俱首相擬上李文正先以策示慎策遂冠  
一榜云

彌封官不得送卷

嘉靖丙戌賜龔用卿及第先是舉人廷試納卷  
之日彌封官以會試首列數卷潛送內閣以備

一甲之選或內閣密覘狀頭儀貌及生平有聲  
者閱卷官出自東閣歸宿私第是歲禮部尚書  
席書疏其弊乞彌封官不得與送卷讀卷官退  
朝直宿禮部詔曰可著為令

御批品題卷首

已丑廷試大學士楊一清等以羅洪先程文德  
楊名唐順之陳東任瀚六卷進覽上一一品題  
卷首各御批于洪先曰學正有見言謹而意必  
忠宜擢之首者于文德曰探本之論于名曰能



守聖學以為本此知要之說于順之曰條論精  
詳殆盡於束曰仁智之用本諸吾心此不易之  
說于瀚曰勉吾敬一之為主忠哉

大欽破文格而文氣甚奇

壬辰賜林大欽等及第先是禮部尚書夏言上  
疏請正文體諸刻意騁詞浮誕殊裂壞文體者  
擯不得取詔可既廷試言復令儀制郎中約  
束諸士咸拱聽而大欽寔後至不聞也起不用  
對冒而文氣甚奇吏部尚書汪鋹得之詫曰恠

哉以示大學士張孚敬先已定二卷覽之曰雖  
破格甚明健可誦也取為第三既呈覽上御批  
改第一

上於進呈卷俱悉批答

乙未廷試大學士李時等以十二卷進覽上俱  
批答曰卿等以堪作一甲卷十二束呈朕各覽  
一週其上一卷說的正合策題夫周道善而備  
朕所取法其上三說仁禮為用夫仁基之禮成  
之亦甚得其意其上四論仁敬夫敬而能仁它



不足說可以保治矣其上二畧泛而滯於行其  
下二却似謹雖與題不合言以特事故朕取之  
可二甲首餘以次挨去不知是否卿可先與言  
鼎臣看一過再同讀卷官看行

上復御批首三卷

上復御批首三卷韓應龍曰是題本意可第一  
甲第一名于孫陞曰說仁禮之意好可第二名  
于吳山曰敬爲心學之極此論好可第三名是  
歲併李璣趙貞吉敖銑郭朴任瀛沈宏駱文盛

尹臺康大和九人策皆刻之

言官劾科舉私徇

甲辰主考禮部尚書張潮左春坊左庶子江汝  
璧時潮卒於貢院輿屍出考試唯江一人而後  
序則屬之同考脩撰茅瓚是歲少傅翟鑾二子  
汝孝汝儉俱登第廷試以進呈卷上疑有翟氏  
子在首甲因抑第一卷寘第三第三卷寘二甲  
第四而拔秦鳴雷爲狀元言官劾科舉私徇置  
之亦甚得其意其上四論仁敬夫敬而能仁它



詔獄問江及編修歐陽暎閒住少傅及二子編  
修彭鳳進士崔奇勛焦清為民員外郎高節謫  
戍進士彭謙死杖下御史沈珩王越外任

### 欽賜舉人

景泰中北京鄉試陳循王文以考官劉儼呂原  
抑其子訴於上謂儼私解元徐經及所取士顛  
倒實不私也詔覆試如初定然難陳王二相特  
各許其子會試時謂之欽賜舉人

### 欽降秀才

癸卯年北京冒籍者翟鍾玉丁子載等俱發原  
籍肄業時謂之欽降秀才二事正相對云

### 登科錄書伯叔祖父官秩

天順以前登科錄凡伯叔祖父有官秩者俱得  
書今不復矣戊辰李泰書父永昌司禮監太監  
甲戌牛綸書叔玉司禮監左監丞泰永昌養子  
也後俱拔入翰林泰至詹事綸至太常少卿

### 讀卷九三伯

天順元年讀卷九三伯武功伯掌內閣靖遠伯



掌兵部興濟伯掌鴻臚

十知貢舉

大學士嚴嵩禮部尚書胡濙

十為讀卷

吏部尚書蹇義王直

三主考會試者

徐溥曾棨

二主考會試者

黃淮楊士奇王直王英錢習禮呂原萬安劉吉

彭華吳寬李東陽王鏊梁儲靳貴石珪張潮張

治

閣臣出主會試者

胡廣黃淮楊士奇黃淮高穀商輅薛瑄呂原彭  
時劉定之萬安劉吉尹直徐溥謝遷李東陽王  
鏊劉忠梁儲靳貴賈詠張璉張治徐階李本李  
春芳凡二十六人

同考官秩大於主考者

庚戌侍講學士陳循同考太常少卿魏驥戊辰



脩撰林文同考侍講劉儼

致仕主考者

黃淮

不由科目者

楊士奇

師弟同為考試者

陳魏及尚書溫仁和學士張袞

恩宥錄

浦江義門鄭氏有恩宥錄予節其畧

筆之以見 祖宗風厲天下之意

洪武十四年為內藏金銀事發連鄭氏以義門故釋之家長鄭濂鄭湜面見擢湜福建左叅政吏部奏無見缺添設左叅議授之二十六年詔鄭氏子弟三十以上者來具擢鄭濟左春坊左庶子伴太孫三十年起取天下稅戶鄭沂入見授禮部尚書以其從子幹為御史永樂十二年御史七十二歲進平胡詩稱旨乞歸 上曰教翰林院寫策書禮部宴宅用正官陪教坊伎樂



陸辭賜金繡衣褚帛幹舉從子熤可用 上曰  
御史舉也除御史後累遷大理寺丞永樂十七  
年北京初受賀致仕御史幹及第致仕長史楷  
來朝賜宴及褚幣與爲善陰隲二部 上曰它  
家人多與二十部十九年翰林檢討鄭叔美以  
告病例爲民 仁宗立與子弟來朝 上顧長  
者非鄭檢討乎何爲冠平巾呂震以故對  
上特詔予冠帶致仕各賜鈔二千貫給驛舟還  
家

### 設四輔官

高皇帝設四輔官均職四季以上中下三旬人  
各司之驗雨暘時若春二月李祐司皆中旬十  
日龔敷司皆下旬十日夏三月杜敷司皆上旬  
十日吳源司皆中旬十日趙民望司皆下旬十  
日秋冬如之各兼太子賓客班列公侯都督之  
次尚書之上又有與四輔游東苑倡和詩不載

### 國朝實錄

太祖實錄永樂初命曹國公李景隆監脩戶部



尚書夏原吉學士解縉禮部尚書李至剛總裁  
再命原吉及太子少師姚廣孝監脩學士胡廣  
楊榮總裁 太宗 仁宗實錄英國公張輔少  
師蹇義少保夏原吉監修少傅楊士奇太子少  
傅楊榮太子少保金幼孜總裁太常卿楊溥為  
副總裁大學士陳山張瑛續總裁 宣宗實錄  
英國公張輔監修少傅楊士奇楊榮尚書楊溥  
總裁少詹事王直王英為副總裁 英宗實錄  
會昌侯孫繼宗監修少保李賢尚書陳文彭時

總裁少卿劉定之吳節為副總裁 憲宗實錄

英國公張懋監修少傅劉吉尚書徐溥侍郎劉

健總裁尚書丘濬少詹事汪諧為副總裁 孝

宗實錄初命少師劉健李東陽少傅謝遷總裁

吏部侍郎張元禎詹事楊廷和學士劉忠為副

再命東陽少傅焦芳王鏊少保楊廷和總裁尚

書梁儲為副而監脩則仍公懋 武宗實錄則

定國公徐光祚監脩少師楊廷和少傅蔣冕毛

紀少保費宏總裁後廷和冕紀皆去申命宏及



少師楊一清少保石琚賈詠尚書石琚毛澄侍郎羅欽順爲副後增侍郎吳一鵬

鳳洲筆記卷之二十二

鳳洲筆記卷之二十三

海虞文臺黃美中校

雜編五

將軍之制有三

宗室郡王下鎮國將軍秩正一品輔國將軍正二品奉國將軍正三品散階龍虎上將軍金吾將軍驃騎將軍正二品奉國定國鎮國從二品昭武昭勇昭毅正三品安遠定遠懷遠從三品廣威宣威明威正四品信武顯武宣武從四品



武節武德正五品武毅武畧從五品其官不過左右都督同知僉事正副留守都指揮使同知僉事指揮使同知僉事千戶儀衛正副而已總兵官則有征虜大將軍左右副將軍左右副副將軍征虜將軍征虜前將軍征虜副將軍靖虜將軍平胡將軍平虜大將軍征西將軍征西前將軍平北將軍鎮朔大將軍鎮朔將軍平西將軍平羌將軍征南將軍征南副將軍征夷將軍征夷副將軍平賊將軍征戎將軍平蠻將軍征

### 蠻將軍

太宗征安南益設裨機將軍橫海將軍鷹揚將軍驍騎將軍輕車將軍及各邊設遊擊將軍嘉靖幸楚設都護將軍都護副將軍定兵制增神樞營佐擊將軍

按征蠻已前無員額無品秩或公侯伯或都督領之有事則設事已則罷及今遼東宣府大同寧夏甘肅延綏湖廣雲南兩廣權甚重可生殺人此外又有管大漢將軍管紅盔將軍蓋宿衛



之帥云

武廟自稱威武大將軍江彬許泰爲左右副將軍

太祖官制後革者

中書省左右丞相平章政事左右丞叅知政事  
叅議左右司郎中四輔官員外郎太史令弘文  
館學士翰林承旨起居注太子贊善大夫閣門  
大使秘書監少監考功監令監丞左右拾遺左  
右諫院正言司諫符璽郎六科庶吉士回回監

正副營田使東宮率府左右率左右副使王府  
相傅武傅六科庶吉士大元帥大總管五軍斷  
事後俱易名

陞降品級

樞密院改都督府陞一級爲正一品使即左右  
都督同知院事即都督同知僉院即都督僉事  
院判無御史臺改都察院降一級御史大夫即  
左右都御史中丞即副都御史侍御史即僉都  
御史詹事院改府知院爲詹事同知及副詹俱



爲少詹事儀禮司改鴻臚寺太常司改太常寺  
司天監改欽天監行中書省改布政司降三級  
行樞密院改都司降一級肅政廉訪司改按察  
司原品六部舊三品陞二品翰林院舊三品降  
五品六科舊四品爲九品已後陞七品尚寶寺  
改司舊三品降五品

建文中官制

六部尚書陞正一品增侍中正二品所屬革去  
清吏二字戶刑二部改爲四司工部增照磨所

兵部革典牧所戶部革贓罰庫都察院改爲御  
史府裁減十三道爲左右兩院止二十八員改  
通政司爲寺使及通政叅議爲卿少卿丞翰林  
復學士承旨在學士上改講讀學士爲文學博  
士設文翰文史二館文翰館右侍講侍讀侍書  
五經博士典籍待詔侍書正七品即中書舍人  
也文史館居脩撰編脩檢討改孔目爲典簿又  
增設文淵閣待詔拾遺補闕增五軍斷事五軍  
制祿倉革大理寺左右寺正寺副增本寺首領



官增太常寺典禮郎二員太祝一員光祿寺少  
卿舊五品陞四品寺丞舊六品陞五品增司圃  
所改司牲司爲孳生所太僕寺丞舊六品陞五  
品增錄事及典廐典牧二署驩驩等十八群滌  
陽等八牧監龍山等九十二群管鴻臚少卿從  
五陞正五寺丞從六陞正六革司賓司儀二署  
而陞鳴贊序班品革行人司止以行人隸鴻臚  
陞國子監丞爲堂上官欽天監增五官監候增  
選士院及應天府知侯所改五城指揮爲兵馬

陞各衛經歷品級增四十四衛武學及錦衣衛  
帶管武學教授增各王府賓輔伴書布政司陞  
正二品自使至叅議俱陞一級提刑按察司爲  
肅政廉訪司

偶有問巡撫所始者記會典始永樂十  
九年然不得其實也聖政記志之

永樂十九年勅吏部尚書蹇義給事中馬俊往  
直隸應天等府州尚書金純給事中葛紹祖往  
四川都御史王彰給事中王勵往河南都御史



虞謙給事中許能往浙江侍郎郭進給事中章  
雲往江西侍郎楊勉給事中徐初往福建侍郎  
郭敦給事中陶衍往順天等府州侍郎李昇給  
事中劉渙往山東少卿周納給事中劉盡往湖  
廣大理寺丞郭瑄給事中艾往廣東大理寺丞  
孫特給事中蕭奇往山西通政叅議朱侃給事  
中楊春往廣西共二十六人巡行天下撫安軍  
民

添設提學官

宣德間用少保黃福言添設提學官擢兩浙鹽  
運同知胡軫爲副使欝林知州劉虬監察御史  
薛瑄高超工部郎中高志吏部主事歐陽哲修  
撰王鈺編脩彭琉檢討陳祚康振國子學正莊  
觀俱僉事湖廣檢校程富建寧教授彭勗俱御  
史軫浙江虬湖廣瑄山東超福建志山西哲河  
南鈺江西琉廣東璲廣西振四川觀陝西富北  
直隸勗南直隸

兵制



永樂中兵制五軍營中軍左掖右掖左哨右哨  
管操練京衛及中都山東河南大寧三都司輪  
班騎步兵千二營管隨駕騎兵圍子手管上直  
义刀手及京衛步兵幼官舍人營管京衛幼官  
應襲舍人殫忠効義營管京衛報効舍人餘丁  
俱以公侯伯都督都指揮領之三千營一司管  
執大駕龍旗寶纛負御寶及兵仗局什物上直  
軍一司管左右二十隊勇字旗大駕旗纛金鼓  
上直軍一司管傳令營旗牌御用監盔甲尚冠

尚衣尚履什物上直軍一司管執大駕勇字旗  
五軍紅盔貼直上直官軍一司管殺虎手馬轎  
及前哨馬營上直明甲官軍隨侍東宮官舍遼  
東備禦軍神機營中軍左掖右掖左哨右哨管  
操演神銃神炮火器五千下管操演火器及護  
衛騎兵初止以英國公安遠寧陽武等侯為  
總兵官後添設提督坐營監鎗太監景泰中土  
木變後兵漸耗散選軟用兵部尚書于謙議擇  
三大營精銳騎兵十萬分為十營團操以備警



急是爲團營而以謙總督武清侯石亨昌平侯楊洪安遠侯柳溥爲總兵太監吉祥等監之餘步騎仍歸三營曰老營天順初罷八年復置成化初罷三年復置分爲十二營凡十二萬人曰奮武耀武練武顯武敢勇果勇效勇鼓勇立威伸威揚威振威十二營內各分五軍三千統騎兵神機統火器而以撫寧侯朱永定襄伯郭登懷寧侯孫鏗總之營務惟撫寧侯最久凡三十餘年而英國公懋自五軍營來代英國頗老成

不朶削士而監軍大璫谷大用陸閻等橫甚不制也嘉靖初用武定侯爲帥故太監張永尚書李承勛監之張李宿將頗亦欲更定振作與武定不相能繼以疾卒而兵政益大廢弛矣時虜報歲急團營見兵少乃僅遷三萬騎聽征號曰東西二官廳各都督一人總之而團營所餘者非老弱則入中貴元帥私家矣提督凡有三曰太監曰公侯曰尚書尚書或專設或部事兼理庚戌虜變後侍郎王邦瑞極言利弊詔勤太監



高忠等歸內總兵官朱希忠陳鏞聽辭任改京  
營總兵曰總督戎政官以咸寧侯仇鸞領之專  
設侍郎一人協理罷十二營併為三大營曰五  
軍營副將一員叅將四員遊擊將軍四員三千  
營曰神樞營副將一員佐擊將軍六員神機營  
副將一員佐擊將軍六員練勇叅將六員

洪武九年定諸王公主歲供之數

親王歲支米五萬石鈔二萬五千貫錦四十疋  
紵絲三百疋紗羅各一百疋絹五百疋冬夏布

各一千疋綿二千兩鹽二百引茶一千斤馬匹  
草料月支五十匹其段疋歲給匠料付王府自  
造靜江王歲米二萬石鈔一萬貫餘物比親王  
減半馬匹草料月支二十疋公主未受封每歲  
支紵絲紗羅各一十疋絹及冬夏布各三十疋  
綿二百兩已受封賜莊田一所計歲收米一千  
五百石鈔二千貫親王子男未受封歲支紵絲  
紗羅絹冬夏布綿同公主未封例女未封者減  
半男已封郡王者歲支米六千石鈔二千八百



貫錦一十疋紵絲五十疋羅二十五疋絹及冬  
夏布各一百疋綿五百兩塩五十引茶三百斤  
馬匹草料每月支十疋女已受封及已嫁者歲  
支米一千石鈔一千四百貫其段疋於所在親  
王國帶造皇太子次子既封郡王後候出閣歲  
支與郡王同女及嫁者與郡王已封女同及查  
會典所載周王二萬石襲封萬二千石秦晉楚  
蜀慶魯寧瀋趙鄭襄荆淮德秀崇吉徽興岐益  
衡雍壽汝涇榮王一萬石代王六千石唐王五

千石遼韓伊王二千石岷王千五百石肅王一  
千石與前迥異豈非慮宗支蕃衍為試貢之地  
耶然中間差等不一如肅王之千石反不如  
初封之郡王尚有二千而岷府之郡王五百石  
更不如本府之鎮國尚有一千此最不可曉者  
又惟周王本色二萬石或以太宗母弟之故至  
其子孫尚存萬二千則秦晉二王獨非太宗之  
母兄乎

二祖公主所適



太祖長女臨安公主駙馬都尉李祺第二女寧  
國大長公主梅殷第三女未適天第四女安慶  
公主歐陽倫第五女汝寧公主陸賢第六女懷  
慶大長公主永春侯王寧第七女大名大長公  
主李堅第八女福清公主張麟弟九女壽春公  
主傅忠第十女未詳弟十一女南康大長公主  
胡觀弟十二女永嘉大長公主郭鎮弟十三十  
四女未詳第十五女汝陽大長公主謝達第十  
六女寶慶大長公主趙輝

太宗長女永安公主廣平侯素容第二女永平  
公主富陽侯李讓第三女安成公主西平侯宋  
琥第四女咸寧公主西平侯宋瑛第五女常寧  
公主沐昕

宮中女官之制

太祖初年定者丹六局一司官七十五人女使  
十八人局曰尚宮尚儀尚服尚食尚寢尚功司  
曰功正俱正六品尚寶局總行六尚之事凡出  
納文籍皆印署之如六局徵取於在外諸司尚



宮領旨署牒用印付內使監受牒行移在外諸  
司尚宅二人掌導引中宮總司紀司言司簿司  
闈之事司紀二人掌印宮內諸司出入簿書文  
字司言二人掌賓傅奏啓之事司簿二人掌宮  
人名籍廩賜之事司闈四人掌宮闈管鑰之事  
女使六人通掌文案尚儀局尚儀一人掌禮儀  
起居總司籍司樂司賓司贊四司之事司籍四  
人掌經籍圖書教授之事司樂二人掌音樂之  
事司朝四人掌朝見宴會之事司贊四人掌賓

會贊襄之事女使三人通掌文案尚服局尚服  
一人掌宮內服用總司寶司衣司伏司飾四司  
之事司寶二人掌寶璽符契司衣二人掌衣服  
首飾司伏四人掌羽儀仗衛司飾二人掌巾櫛  
梳洗女使二人通掌文案尚食局尚食一人掌  
宮內膳總司饌司醞司樂司供四司之事司饌  
四人掌烹炮調和飭膳之事凡進飲食先嘗之  
司醞二人掌醞酒醴司藥二人掌醫藥司供二  
人掌給宮人廩餼薪炭之事女使二人通掌文



案尚寢局尚寢一人掌燕寢總司設司與司苑  
司燈四司之事司設四人掌帷帳裯褥洒掃鋪  
設司輿二人掌輿輦司苑二人掌種植蔬果之  
事司燈四人司燈燭女使二人通掌文案尚功  
局尚功一人掌督女工總司製司珍司綵司計  
四司之事司製四人掌裁衣服司珍二人掌珍  
玉寶貨司綵二人掌段疋司計二人掌尚功局  
度支衣服飲食薪炭之事女使二人通掌文案  
宮正司宮正二人掌戒令責罰之女使二人通

### 掌文案

洪武二十八年重定宮官六尚品職及  
內官監司庫局與諸門官并東宮六局  
王府承奉等官職秩

尚宮局尚宮二人正五品掌導引中宮總司記  
司言司簿司關四司之官屬凡六尚事物出納  
文籍皆印署之司記二人正六品典記二人正  
七品掌記二人正八品司記掌印宮內諸司簿  
書出入錄目審而付行典記掌記佐之女史陸



人掌執文書司言二人正六品典言二人正七  
品掌言二人正八品司言掌宣傳奉啓之事典  
言掌言佐之女史四人掌執文書司簿二人正  
六品典簿二人正七品掌簿二人正八品司簿  
掌名籍廩賜之事典簿掌簿佐之女史六人掌  
報文書司闈六人正六品典闈陸人正七品掌  
闈陸人正八品司闈掌宮闈管鑰之事典闈掌  
闈佐之女史四人掌執文書尚儀局尚儀二人  
正五品掌禮樂起居總司籍司樂司賓司贊四

司之官屬司籍二人正六品典籍二人正七品  
掌籍二人正八品司籍掌經籍教授筆札几案  
之事典籍掌籍之女史十人掌執文書司樂二  
人正六品典樂四人正七品掌樂四人正八品  
司樂掌率樂人習樂陳縣拊擊進退之事典樂  
掌樂佐之女史二人掌執文書司賓二人正六  
品典賓二人正七品掌賓二人正八品司賓掌  
朝見宴會賞賜之事典賓掌賓佐之女史二人  
掌執文書司贊二人正六品典贊二人正七品



掌贊二人正八品司贊掌朝見宴會贊相之事  
典贊掌贊佐之女史二人掌執文書彤史二人  
正陸品掌后妃群妾御於君所書其月日尚服  
局尚服二人正五品掌供內服用采章之數總  
司寶司衣司飾司仗四司之官屬司寶二人正  
六品典寶二人正七品掌寶二人正八品司寶  
掌寶符契圖籍典寶掌寶佐之女史四人掌執  
文書司衣二人正六品典衣二人正七品掌衣  
二人正八品司衣掌衣服首飾典衣掌衣佐之

女史二人掌執文書司飾二人正六品典飾四  
人正七品掌飾二人正八品司飾掌膏沐巾櫛  
器玩之事典飾佐之女史二人掌執文書司仗  
二人正六品典仗二人正七品掌仗二人正八  
品司仗掌羽輿仗衛之事典仗掌仗佐之女史  
二人掌執文書尚食局尚食二人正五品掌供  
膳盃品齊之數總司膳司醞司樂司饎之官屬  
凡進食先嘗之司膳四人正六品典膳四人正  
七品掌膳四人正八品司膳掌割烹煎和之事



典膳掌膳佐之女史四人掌執文書司醞二人  
正陸品典醞二人正七品掌醞二人正八品司  
醞掌酒醴飴飲之事典醞掌醞佐之女史二人  
掌執文書司藥二人正六品典藥二人正七品  
掌藥二人正八品司藥掌醫方藥物之事典藥  
掌藥佐之女史四人掌執文書司饌二人正六  
品典饌二人正七品掌饌二人正八品司饌掌  
給宮人廩餼薪炭之事典饌掌饌佐之女史四  
人掌執文書尚寢局尚寢二人正五品掌燕寢

准御之次序總司設司輿司苑司燈四司之官  
屬司設一人正六品典設二人正七品掌設二  
人正八品典司設掌帷帳裯席洒掃張設之事  
典設張設佐之女史四人掌執文書司輿二人  
正六品典輿二人正七品掌輿二人正八品司  
輿掌輿輦轂扇羽儀之事典輿掌輿佐之女史  
二人掌執文書司苑二人正六品典苑二人正  
七品掌苑二人正八品司苑掌園苑種植蔬菜  
之事典苑掌苑佐之女史二人掌執文書司燈



二人正六品典燈二人正七品掌燈二人正八品司燈掌燈燭膏火之事典燈掌燈佐之女史二人掌執文書尚功局尚功二人正五品掌女功之程課總司製司珍司綵司計四司之官屬司製二人正六品典製二人正七品掌製二人正八品司製掌衣服裁製縫線之事典製掌製佐之女史四人掌執文書司珍二人正陸品典珍貳人正七品掌珍二人正八品司珍掌金玉寶貨之事典珍掌珍佐之女史六人掌執文書

司綵二人正六品典綵二人正七品掌綵二人正八品司綵掌綵物繒錦桌之事典綵掌綵佐之女史陸人掌執文書司計二人正六品典計二人正七品掌計二人正八品司計掌度之衣服飲食薪炭之事典計掌計佐之女史四人掌執文書宮正司宮止一人正五品掌糾察宮闈責罰戒令之事司正二人正六品典正四人正七品女史四人掌執文書內官監十一曰神宮曰尚寶曰孝陵神宮曰尚膳曰尚衣曰司設曰



內官曰司禮曰御馬曰印綬曰直殿監皆設太監一人秩正四品左右少監各一人秩從四品左右監丞各一人秩正五品典簿一人秩正六品神宮監掌洒掃大廟殿庭廊廡尚寶監掌御寶璽教符將軍印信孝陵神宮監掌灑掃殿庭及栽種菜木蔬菜之事尚膳監掌供養奉先殿并御膳與宮內食用之物及督光祿寺供奉宮內諸筵宴飲食之事尚衣監掌御用冠冕袍服履烏靴襪之事司設監掌御用車輿牀榻衾褥

帳幔諸事內官監掌成造婚禮奩冠烏傘扇衾褥帳幔儀仗及內宮內使貼黃諸造作并宮內器用首飾與架閣文書諸事司禮監掌冠婚喪祭禮儀制帛與御前勘合賞賜筆墨書畫并長隨當差內使人等出門馬牌等事及督光祿寺供應諸筵宴之事御馬監掌御馬及諸進賢并典牧所關收馬騾之事印綬監掌誥券貼黃印信選簿圖畫勘合符驗信符諸事直殿監掌洒掃殿庭樓廊廡之事又設長隨奉御秩正六品



各門官七掌晨昏啓閉關防出入曰午門曰東華門曰西華門曰玄武門曰奉天門曰左順門曰右順門曰門皆設曰二人門正一人秩正四品門副一人秩正從四品設司二曰鐘鼓曰惜薪司皆設司正一人秩正五品左右司副各一人秩從五品鐘鼓司掌祭樂及御樂并宮內宴樂與更漏早朝鐘鼓諸事惜薪司掌宮內諸處柴炭之事局庫九局有六兵仗曰內織染曰計工曰巾帽曰司苑曰酒醋麪庫有三曰內承運

曰司鑰曰內府供用每局庫皆設大使一人秩正五品左右副使各一人秩正五品兵杖局掌御用兵器并提督役造作刀甲之類及宮內所用梳篦之刷牙計剪諸物內織染局掌染造御用及宮內應用段疋絹帛之類計工局掌成造諸婚禮服裝付內官監收用及造內官諸人衣服鋪蓋諸事巾帽局掌造內官諸人紗帽靴襪及預備賞賜巾帽諸事司苑局而掌宮內諸處蔬果及種田之事酒醋麪掌內官諸人食用酒



醋麪糖諸物內承運庫掌收支段疋金銀珠玉  
象牙諸寶貨之物及同司鑰庫掌鈔錠之數司  
鑰庫掌各門鎖鑰及收支錢鈔之事內府供用  
庫掌御用香米及內用香燭油米并內官諸人  
飲食菓實之類其東宮典璽典膳典服典  
立典乘六局各設局郎一人秩正五品局丞二  
人秩從五品惟典璽局增設紀事奉御秩正六  
品典璽局掌璽寶翰墨諸事典藥局掌同御醫  
修合藥餌供進湯液之事典膳局掌供進膳羞

典服局掌冕弁冠帽袍服佩刀靴襪諸物典兵  
局掌甲冑戈矛弓矢刀劍諸物典乘局掌車馬  
之事其親王府承奉司掌王府諸事凡事則呈  
長史司并護衛指揮使司行之與內官衙門不  
相統攝設承奉正秩正六品承奉副秩從六品  
所三曰典寶曰典膳曰典服典寶掌王之寶設  
典寶正一人秩正六品副一人秩從六品典服  
掌冠冕袍服諸事設服正一人秩正六品副一  
人秩從六品門官二人掌王城宮殿門啓閉關



防出入設門正秩正六品門副秩從六品設內使十人司冠一人司衣三人司佩一人司履一人司藥二人司矢二人又各公主位下設中使司掌府中諸事司正司副各一人皆雜職

鳳洲筆記卷之二十三

鳳洲筆記卷之二十四

海虞文臺黃美中校

雜編六

古賞格最重覆軍破城者至黃金千斤綵帛萬段我朝規制最為不浮今得而畧志之

太祖破陳友諒降武昌賞常遇春廖永忠田土餘有差

吳元年平張士誠賞格



召見右相國徐達等戟門封達信國公綵段十  
二表裏遇春鄂國公十表裏都督馮宗異平章  
胡廷瑞九表裏平章湯和叅政曹良臣八表裏  
右丞廖永忠華高都督康茂才七表裏叅政薛  
顯趙庸副都督梅思祖汪興祖六表裏指揮人  
五千戶人四百戶人三軍士米一石鹽十斤

洪武三年賞平中原將士功

大將軍達白金五百兩文幣五十表裏副將軍  
遇春同副將軍馮宗異白金三百兩文幣三十

表裏右丞薛顯叅政傅友德同平章曹良臣白  
金二百五十兩文幣二十表裏平章韓政幣同  
良臣金殺其十三平章俞通源右丞梅思祖叅  
政陸聚都督副使顛時白金一百五十兩文幣  
殺政二叅政陸仲亨文幣十二表裏左丞王傅  
及各衛指揮七千戶衛鎮撫六百戶所鎮撫四  
旗軍總旗米三石白金三兩三錢小旗米三石  
白金三兩二錢小旗米同總旗白金減一錢軍  
米同小旗白金又減二錢



征南功

御史大夫湯和白金二百五十兩文幣十五表  
秉平章廖永忠都督吳禎金同文幣殺五等

守禦功

平章楊璟胡廷美白金二百五十兩文幣二十  
表裏左丞周德興金同文幣殺其三都督同知  
張興祖白金二百兩文幣同德興叅政朱亮祖  
張彬戴德僉都督郭子興陳德白金三百兩文  
幣十五表裏僉都督華雲龍金殺其半無文幣

各衛指揮至所鎮撫與從征同

洪武四年賞平蜀功

穎川侯傅友德德慶侯廖永忠白金二百五十  
兩綵段二十表裏濟寧侯顧時白金一百五十  
兩綵段十五表裏臨江侯陳德白金一百兩綵  
段十二表裏都督同知汪興祖戰歿同中山侯  
湯和綵段十五表裏都督僉事王簡何文輝監  
玉張溫金朝興白金五十兩綵段十表裏鞏昌  
侯郭子興江夏侯周德興綵段十二表裏南安



侯俞通源宣寧侯曹良臣僉都督陳桓殺其二  
僉都督王成仇成葉昇又殺其三汝南侯梅思  
祖又殺其二凡從潁川侯指揮人綵段八表裏  
千百戶衛所鎮撫六總旗白金十二兩小旗十  
一兩軍十兩從德慶指揮人綵段六表裏千戶  
衛鎮撫四百戶所鎮撫三總旗白金十兩小旗  
九兩軍八兩從中山指揮至百戶遞減一表裏  
軍校遞減一兩從永嘉政保寧者同至重慶遞  
減一等軍校減半不從入關及守船患病者千

百戶一表裏旗軍白金二兩軍病自河南還者  
與錢千八百自臨潼還者二千四百自西安還  
者三千六百自秦州還者四千八百自階州還  
者六千陣亡者倍前給白金溺墜病死者與見  
軍同

洪武三年大封功臣

李善長徐達文綺帛各百疋常遇春馮勝八十  
疋李文忠鄧愈四十疋中山侯湯和等二十八  
侯各四十疋臨濠地若干頃佃戶及守墳儀仗



戶各有差

洪武十七年平雲南功賞格

穎川侯傅友德進封公永昌侯藍玉安慶侯仇成定遠侯王弼許世襲加祿五百都督陳桓胡海郭英張翼俱封侯餘將士迺遷有差總兵而下人賞錦繡雜綵二十表裏鈔一百錠

洪武二十年破北虜功賞格

大將軍藍玉白金二千兩鈔一千錠文綺五十疋副將軍唐勝宗郭英白金一千兩鈔四百錠

文綺三十疋左叅將王弼白金一千兩鈔八百錠文綺四十疋右叅將孫恪白金五百兩鈔二百錠文綺十五疋都督徐司馬等六人各白金四百兩鈔一百錠文綺八疋指揮使蕭綺等八人各金三百兩鈔百五十錠文綺四疋指揮同知陳鏞等十人白金二百五十兩鈔百四十錠文綺五疋指揮僉事張敬等三十五人白金二百兩鈔百三十錠文綺四疋千百戶鎮撫各有差按賞格唯此最重云



永樂元年靖難功賞格

都督丘福朱能進封公白金四百兩綵幣四十  
表裏鈔四千貫僉都督張武陳圭鄭亨孟善火  
真顧成王忠徐忠張信李遠郭亮陳旭房寬都  
指揮張輔房勝孫岩駙馬王寧進封侯白金三  
百五十兩綵段三十表裏鈔三千貫僉都督徐  
理唐雲都指揮徐祥李濬白金三百兩綵段二  
十五表裏鈔三千五百貫僉都督劉才白金二  
百五十兩綵段十六表裏鈔三千貫指揮張興

金綵同鈔二千貫曹國公李景隆白金綵段鈔  
同丘福兵部尚書茹瑄都督同知王佐僉事陳  
白金三百兩綵段二十表裏鈔二千五百貫  
儀制正張成白金二百兩綵段十表裏鈔一千  
五百貫餘有差

永樂五年先賞平安南功

都督柳升白金二百兩鈔一千錠綵幣十表裏  
織金紵衣一襲都指揮魯鱗白金一百五十兩  
綵幣八表裏衣同獲黎季犁爲首軍人王柴胡



陞指揮使白金二百兩鈔六百錠綵幣五表裏  
織金紵絲衣一襲級金花帶一為從者李福等  
四人皆陞僉指揮白金一百兩鈔四百錠綵幣  
四表裏織金紵絲衣四襲素帶一獲黎澄為首  
者李保保陞賞如李福為從者張榮祖等三人  
陞正千戶白金五十兩鈔三百錠綵幣二表裏  
織金紵絲衣一襲級花銀帶一條獻俘官指揮  
使張勝等白金一百兩鈔四百錠綵幣六表裏  
織金紵絲衣一襲護送官及軍人醫者三百六

十五人鈔幣有差

永樂陸年大賞平安南功

英國公張輔賜冠服白金四百兩鈔一千錠綵  
幣四十表裏黔國公沐晟冠服白金鈔同幣殺  
其二豐城侯李彬雲陽伯陳旭白金二百兩鈔  
六百錠綵幣十五表裏清遠侯王友賜冠服白  
金一百五十兩鈔四百錠綵幣十表裏安遠伯  
柳升白金減王友十五之一鈔幣同右都督朱  
榮白金一百兩鈔二百錠綵幣八表裏贈建平



伯高士文同柳升

永樂十三年賞重破安南功

英國公輔黔國公晟白金五百兩鈔二千錠綵幣五十表裏都督朱廉方政江浩白金五十兩鈔三百錠綵幣五表裏都指揮師祐減一等都指揮師祐金幣又減一等鈔一百六十錠都指揮陳濬等五員白金二十五兩鈔一百四十錠綵幣二表裏胡通海等白金二十兩鈔一百二十錠綵幣一表裏擒鄧景寅指揮陶弘等白金

三十兩鈔二百錠綵幣三表裏織金紵絲一襲為從者金幣減三之一衣鈔同百戶路坦等金幣減三之一衣鈔同

永樂八年賞征北將士

總兵官鄭亨白金三百五十兩綵幣十二表裏鈔六百錠安遠伯柳升白金三百兩綵幣十表裏鈔五百錠餘皆如恪賞

永樂十年賜忠勇王金忠

誥命鐵券金印公服朝服玉帶繡蟒衣黃金百



兩白金四百兩鈔二千錠紵絲五表裏裏紗綾  
羅各二十疋鞍馬二疋牛百頭羊五百頭居第  
牀褥薪芻器用咸備歲祿千石別賜其妻黃金  
五十兩白金百兩紵絲二十表裏紗羅綾各十  
疋鈔千錠冠服全都督馬台罕都指揮察罕下  
八員各白金五十兩鈔七百錠錦衣一襲紵絲  
陸表裏綿布三十疋指揮卜答帖木兒等三十  
員各白金三十兩鈔五百錠錦衣一襲紵絲五  
表裏綿布三十疋百戶所鎮撫格干帖木兒等

二十五員各白金十五兩鈔三百錠錦衣一襲  
紵絲三表裏綿布十五疋冠帶鞍馬牛羊薪芻  
居第以次等

宣德中賞陽武侯薛祿等擊敗北虜功

薛祿加太保及副總兵吳克忠鈔四百錠綵幣  
陸表裏武進伯朱冕奉化伯滕定鈔三百錠綵  
幣二表裏都督柴永正等六人各鈔三百錠綵  
幣一表裏都指揮馬昇等并軍士一萬一千二  
百六十二人共鈔四十一萬八千二百三十錠



絹五百八十五疋綿布一萬二千七百四十八疋

扈從北征平胡功

英國公張輔成國公朱勇忠勇王金忠各鈔六  
百錠白金三十兩綵幣三表裏陽武侯薛祿安  
順侯薛貴恭順侯吳克忠各鈔四百錠白金二  
十四兩綵幣二表裏清平伯吳成應城伯孫傑  
遂安伯陳瑛武進伯朱冕各鈔三百錠白金十  
兩綵幣一表裏中府都督同知任禮高文僉事

李玉李英左府左都督柴永正右都督馬亮都  
督同知程忠婁里僉事吳也兒克胡守義把敦  
右府左都督蘇火耳灰右都督蔣信郭志滕定  
嚴宣前府都督同知馮斌僉事韓億梁成後府  
都督僉事沈清郭義馮興李通各鈔二百錠銀  
五兩綵幣一表裏坐營定國公徐景昌鈔四百  
錠綵幣四表裏西寧侯宋瑛等各鈔二百錠綵  
幣二表裏安鄉伯張安鈔同綵幣殺一右都督  
冀傑鈔又殺半綵幣同指揮以下及官軍十一



萬五千七百八十九人賞有差

賞寧夏獲虜寇功

總兵官史昭進右都督賞白金五十兩綵幣四  
表裏叅將丁信僉都御史郭智白金三十兩二  
表裏偏頭關破虜功總兵李謙為左都督賞鈔  
三千貫紵絲四表裏馬貴為都指揮使鈔二千  
貫紵絲三表裏李庸為指揮使鈔一千貫二表  
裏獲首級百戶各鈔一千貫一表裏總小旗各  
鈔七百貫絹布各一疋追獲馬疋指揮鈔一千

貫一表裏千百戶鈔七百貫絹三疋總小旗軍  
鈔五百貫絹一布二奮力向前指揮各鈔五百  
貫絹二疋千百戶旗軍各鈔三百貫絹二疋

討寧王賞格

領軍內官將官并提督巡撫等官督兵擒斬宸  
濠者俱封侯下手擒斬者陞五級本管千總官  
三級把總官二級管隊官一級督兵擒斬首惡  
主謀用事者一名陞一級武官至正一品文官  
至從一品止原係伯者五名以上進封侯左都



督五名以上進封伯不及數者每一名本色俸一百二十石下手擒斬者每名為首陞三級為從陞二級本管千總每名陞一級把總每名陞一級管隊每名賞銀二十兩二名以上加賞四名以上進陞二級督兵擒斬從賊貳百名以上陞一級四百名以上陞二級隨伍軍人擒斬三名陞一級陸名陞二級而止二名賞銀十兩陣亡者陞實授一級原無職役不願陞者賞銀十兩陣傷回營身故者陞署一級原無職役不

願陞者賞銀十兩前項俱世襲後王守仁等擒獲寧王有旨江西反賊勦平地方安靖各該官員功績顯著你部裏既會官集議分別等第明白王守仁封伯爵給與誥券子孫世世承襲照舊叅贊機務伍文定陞右副都御史蔭子孫世襲正千戶戴德孺陞三級邢珣徐璉各二級伍希儒一級陳槐賞銀二十兩紵絲四表裏謝源吏部陞用王守仁本當行取來京宴勞但先帝山陵輔畢禮儀從省寫勅差行人前去慰



諭賞銀一百兩紵絲四表裏南京光祿寺辦宴  
內外守備并府部掌印官侍宴按此與前格微  
不同矣

宣皇帝即位賜藩封公主及在京官吏  
軍民等物

周寧慶代瀋五王各白金五百兩文綺二十表  
裏錦五疋紗羅各二十疋兜羅錦五疋西洋布  
十疋鈔三萬貫

漢趙二王加黃金百兩餘同晉楚遼肅魯韓唐

伊蜀秦十王各白金二百兩文綺十表裏錦三  
疋紗羅各十疋兜羅錦三疋西洋布五疋鈔二  
萬貫

寧國大名南康永嘉含山汝陽寶慶七大長公  
主及永平安咸寧三公主白金二百兩鈔萬貫  
其餘俱同十王

在京官吏軍民白金公百兩侯伯八十兩一品  
二品六十兩三品三十兩四品二十兩五品十  
五兩六品七品十兩八品九品雜職各五兩將



鳳洲筆記  
軍旗軍校尉聽選辦事優給官監生生員人才  
吏典僧道耆老醫工厨樂人等回夷朝貢使各  
有差凡三十二萬九百五十人白金五十六萬  
三千八百二十九兩

鳳洲筆記卷之二十四終





書